



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm X. Ex parte.

---

[urn:nbn:de:hbz:466:1-62559](#)

ma institutione, regulâ, aut lege; tametsi in eo diu, seu tempore longæuo perseveratum, reductio tamen ad primam institutionem, & obseruationem, laudabilis plerumque & reformationis rationem habere censetur: Origo enim rei spectanda est, l. qui id quod 34. ff. de donat. Fauorabilis quoque est redditus ad naturam primordialem, l. si unus, 28. §. pactus ne peteret, in fine, ff. de pactis, & docetur in c. cum accessissent 8. vbi Fe- lin. n. 5. & 6. de constit. Et est aliquale discrimen inter consuetudinem introductam contra ius seu institutionem primæuam, & inter legem reuocatoriam juris antiqui, quod hæc præcedente consultatione, & cognitione causæ emanare soleat, & ideo de eius ratione atque utilitate minus dubitari possit: at verò consuetudinis aduersus legem introductæ initium plerumque irrationalib[er]e, & peccato obnoxium sit; adeòque consuetudo non tam probata, quam tolerata; tametsi temporis diuturnitate maiorem vim ac robur acceperit. Quæ theoria maximè locum habet, si constet, leges primordiales, à quibus per consuetudinem diuturnam recessum est, magna cum consideratione & accommodatè ad rei naturam, personarumque, de quibus latæ sunt, qualitatem, constitutas fuisse. Huius generis est prima institutio, ac regula Canonorum cum secularium, tum regularium, Monachorum item omniumque Religiosorum: Consuetudines enim, quæ contra eam postea introductæ, plerumque minus laudabiles, & statui eorum non conuenientes sunt; reformatio autem, seu reductio ad primæuam institutionem commendatur.

NOTANDVM III. Capitulum, absque Episcopi consensu non potest ecclesiæ suæ statuta & consuetudines antiquas tollere, nouisque introducere. Ita hic habetur expressè, & docui in c. cùm omnes 6. de constitut, & in Theol. moral. lib. I. tr. 4. cap. 7. §. 4. Sed numquid, vice versa, Episcopus, sine Capituli consensu, statutum nouum condere, aut antiquam ecclesiæ suæ consuetudinem, vel statutum tollere potest? De hac re dixi in cit. §. 4. n. 9. & yideri potest

Abb. h[ic] n. 5. qui bene etiam annotauit a. seq. Si ponamus, Episcopum præscriptissime aduersus Capitulum, vt in exercenda iurisdictione, & dispensationibus, Capitularium consilium requirere non teneatur, consequens non esse, quod etiam statuta condere posuit Capitulo non requisito: quia statuti editio est quid separatum ab exercitio iurisdictionis circa casus particulatim incidentes; non autem præscriptio extenditur de casu ad casum. Accedit, quod statutum certum ac firmum sit, atque per id status ecclesiæ magis mutari censeatur, quam per iurisdictionis exercitum, dispensationes &c. quæ pro temporum & personarum varietate mutantur.

## CAPITVLVM X.

## Ex parte.

## PARAPHRASIS.

Ad Honorium III. Papam relatum fuerat, quod in regione quadam duæ irrationabiles consuetudines vigerent. Prima erat; Si quispiam, seu indigena, seu alienigena, bona sua dissipasset, aut negligenter sua, vel quocunque casu amisisset, vxoris sua bona mobilia & immobilia liberè alienare ei liceret. Altera, Si vxor in adulterium lapsa esset, vt nihilominus medietatem omnium bonorum, quæ vir lucratus esset, exigere & apprehendere posset; cum potius ab omnibus viri bonis excludi deberet. Has consuetudines declarat Papa obseruandas non esse.

## SUMMARIUM.

1. Non valet consuetudo inducens homines ad peccandum, aut bona sua dispendendum; vi nec pacta aut statuta.
2. A consuetudine ad pactum, vel statutum, valet argumentum negatiu[m]; nō semper tamen affirmatiu[m].
3. A statuto ad pactum, plerumque precedit argumentum negatiu[m].
4. Non valet statutum familia de sacra confessio[n]e.

- cognitionibus certo modo continuandis, nisi à Principe confirmetur.*
5. *Non est equum, ut aliquis inde premium consequatur, ex quo pœnam mereatur.*
  6. *Nontantum ciuilis, sed etiam ecclesiasticus Magistratus debet noxias consuetudines tollere, si peccandi occasio nem prebeant, vel iuri naturali repugnant, aut iniquitatem contineant.*
  7. *Statuto, vel consuetudine introduci potest, ut, si publicorum Officialium, aut Mercatorum bona ad soluenda debita non sufficiant, etiam dotes virorum, & liberorum bona, tametsi heredes non sint, apprehendi possint.*

**N**O T A N D V M I. Non valet consuetudo, per quam homines inducuntur ad peccandum, aut bona sua dissipandum. Ita rubr. summaria huius c. & sumitur aperte ex textu huius c. quando eiusmodi consuetudo dicitur *abusiva*, sive *abusus*; alias *irrationabilis*, seu *minus rationabilis*; c. 3. hoc tit. Et corruptela potius, quam consuetudo, c. cum venerabilis 7. eod. rit. Item consuetudo prava, iniqua, ecclesiastica contraria honestati, c. ex frequentibus 3. de Institut. Huiusmodi enim descriptionibus aperte indicatur, consuetudinem per se, seu ipso iure irritam esse, propterea quod ad consuetudinis non minus, quam legis substantiam, requiritur, ut rationabilis sit, seu in iusta ratione fundata, vti bene nota Abb. in c. vlt. n. 2. hoc tit. Quamobrem in fine huius c. ait Pontifex, *declaramus, vos non teneri ad huiusmodi consuetudines obseruandas: Qui autem declarat, inquit Abb. h̄c n. 4. nihil de novo agit, l. hæredes 21. §. Si quid post, ff. de testam. Videri potest Franc. Suarez lib. 7. de legibus cap. 7. n. 7.*

Ampliari debet tradita doctrina primò; Quod neque pacta huiusmodi valere debent, que inducunt ad peccandum, vel bona inutiliter dissipandum; quia sunt contra bonos mores, Reipubl. damnoſa, publicis legibus inimica, vti conſtat ex l. conuenire 5. ff. de pactis dotalibus, vbi dicitur, non valere

pactum, quod marito agere non licet propter res amotas seu subreptas ab uxore; quia tali pacto mulieres inuitantur ad furandum. Et in l. seq. habetur, non valere pactum, ut maritus de solo dolo, non item de culpa seu negligentia in bonis dotalibus administrans teneatur: Interest enim Reipubl. vt dotes mulieribus saluæ maneantur. l. 2. ff. de iure dotium.

Ampliari debet secundò; Quod nec statuta valeant, quae peccandi occasionem praebent, aut bona propria inutiliter dilapidandi &c. Ita argumento huius c. tradit, praeter alios, Nauarr. in tr. de spolijs clericorum §. 19. n. 5. vbi colligit, in puncto iuris veriorum esse sententiam Dominici super c. 1. de filijs Praesbyt. in 6. Tametsi Episcopus, per eum textum, cum illegitimè natis dispensare possit, ut ad ordines minores, & beneficia simplicia admittantur; non posse tamen generali edito statuto illegitimos ad ea habiles reddere; quia præberet peccandi occasionem: ideoque statutum irrationalabile, & ecclesiæ damnosum foret.

Enimvero bona est argumentatio à consuetudine ad pactum, vel statutum negativa: Id consuetudine introduci non potest, ergo nec pacto, aut statuto: Tametsi non semper valeat argumentatio affirmativa: Id consuetudine introduci potest, ergo etiam pacto vel statuto. Exempli causâ: Communitas pagi per pactum, aut statutum non potest nouum festum instituere, potest vero per consuetudinem diuturnam, instar legis, scientie & tolerante Prælato ecclesiastico, obseruatam. Deinde, non valet pactum vel statutum, ut receptus ad canonicum 20. aureos ad ecclesiæ Cathedralis fabricam offerat; & tamen consuetudine diuturnâ cum bona fide id introduci poterit. Ratione affert Abb. in c. cum M. n. 25. de constitut. Quia statutum, sicuti & pactum, habet principium necessitatuum seu coactuum: Communitas autem pagi non potest cogere ad festi obseruationem, nec Episcopus aut Capitulum cogere potest instituendum ad pecunias soluendas; quia collatio aut institutio simoniaca censeretur, arg. c. ex mul-

ex multis 9. causa 1. p. 3. At verò consuetudo habere potuit principium voluntarium, id est, ex actibus voluntarijs seu liberis, cum bona fide, paulatim introduci potuit obligationis necessitas, seu consuetudo iuris, vti colligitur ex cap. ad Apostolicam 42. de simon.

3 Quod si verò statutum & pactum inter se conferre placeat, plerumq; procedit argumentum negatiue à statuto ad pactum: Id per Communictatis statutum introduci non potest, quia est contra bonos mores; Ergo neque pacto constitui. Non autem procedit affirmatiue, quia multa per statutum fieri possunt, non autem per pactum, vti docet Philipp. Decius in reg. ff. 27. Bartol. in alia 15. §. eleganter, ff. solvit. matrim. arg. eius legis. Exempli causā, Forma & solemnitas statuto tolli, seu mutari potest, argum. l. si non speciali 9. C. de testam. Sed pacto tolli non potest, l. testandi 13. C. eod. l. nemo 5. ff. de legatis 1. Ratio est, quia iuri publico derogare cuiquam permisum non est, cit. l. testandi. Videri etiam potest Imola in cap. vlt. n. 39. hoc tit.

4 Hinc obiter colligitur: Non valere statutum familie de successionibus certo modo continuandis, nisi à Principe confirmetur: Cùm enim familia (vti ponimus) ius statutum condendi non habeat, solum censeri debet pactum priuatorum, per quod successionis iuri publico non derogatur. Atque ita docet Andr. Gaill lib. 2. obs. 127. n. 5. Rosenthal de feudis cap. 7. concl. 25. & sumitur ex l. licet 19. C. de pactis. & l. hæreditas 5. C. de pactis conuentis, quibus in locis pacta de succedendo, & non succedendo uniuersim prohiberi videntur.

5 NOTANDVM II. Non est æquum, vt aliquis inde præmium consequatur, ex quo poenam meretur. Ita Ant. hic n. 13. Imola n. 5. & sumitur ex textu c. Cùm enim iure tam ciuili, quam canonico, statutum sit, vt mulier de adulterio conuicta, in criminis poenam, dotem amittat, eaque marito acquiratur, l. Consensu 8. C. de repudijs, Auth. Ut liceat matri vel auiæ, §. Quia verò, & c. plerumq; d. de donation. inter virum & vxorem; Id-

eo æquitas non permittit, vt occasione commissi adulterij, lucrum ac veluti præmium consequatur ex bonis mariti, quæ v. g. is ex administratione & usufructu bonorum dotalium acquisiuit.

NOTANDVM III. Non tantum ad ci- uile magistratum pertinet, consuetudines noxias è Republ. sua tollere, sed etiam ad ecclesiasticum, si tales sint, vt peccandi occasionem præbeant, vel iuri naturali repugnant, siue iniquitatem contineant. Qualis erat ea consuetudo, vt marito bonorum suorum dissipatori liceat vxoris, etiam non consentientis, dotem alienare. Ita annotauit, & ex textu c. colligit Abb. hic n. 5. Cùm enim ecclesiastici Prælati officium sit, fideles sibi subditos ad salutem & vitam æternam dirigere, ideo ad eundem pertinet, peccata tollere, quæ ab eo sine directe abducunt, argum. c. nouit 13. de iudic. & c. consuetudo 5. d. 1. in quo indicatur, ad legitimam consuetudinem requiri, vt religioni conueniat, discipline congruat, saluti proficiat.

Quærunt hic Canonistæ, nominatim Imola n. 5. Abb. n. ylt. cum Gl. ver. alienat, V. trum statuto, vel consuetudine introduci possit ad excitandam v. g. vigilantium publicorum Officialium, aut Mercatorum, vt ob negligentiam, aut dolosam ipsorum administrationem, negotiationem, si bona eorundem ad soluenda debita non sufficiant, vt etiam dotes vxorum, & liberorum bona, tametsi hæredes nō sint, apprehendi possint. Responsio est affirmativa, quæ sumitur ex l. ylt. Cod. de primipilo, lib. 12. vb. habetur. Si primipilus (id est, annone militari prefectus iuxta l. sat. is 4. C. Quibus in causis pignus &c. & l. 6. & 7. Cod. Theodos. de cohort. primip.) ob malam administrationem fisco obligatus, ex bonis proprijs satisfacere non possit, vxoris & liberorum bona, etiamsi patris hæredes non existant, apprehendi posse. Ratio dari debet: Quia ob bonum publicum, si ratio necessitatis postulare videatur, Magistratus de bonis subditorum disponere possit, vti colligitur etiam ex l. penult. C. de primipilo: Quare si experientia cognitum sit, publicos Officiales, aut Mercatores, cum magno

magni Reipubl. aut exercitus detimento, officium suum male administrare, dolis vti &c. si pœnæ grauioris timore, eaque speciali & insolita coercentur, vt in defectum propriorum bonorum, etiam quæ uxoris & liberonum, ad quos amor & affectus magnus est, apprehendantur; videri nō debet id alienum à ratione, quod in tali casu innocentem, propter culpam aut dolum nocentis, non quidem posnam propriè, attamen damnum sustinere debeat, argum. l. quisquis s. filij C. Ad L. Julian. Maiestatis, l. iuste prouisum s. C. de Fabricens. lib. I. I.

## CAPITVLVM VLT.

Cùm tantò.

## PARAPHRASIE.

Iurinaturali, quippe cuius transgressio salutis periculum inducit, quacunque consuetudine, que tamen corruptela potius dicens est, derogari non potest: Imo tantò grauiora sunt peccata, quanto diutiùs infeliciem animam detinent. Tametsi quoque longæua consuetudinis non sit vilis auctoritas, non tamen est yisque adeò valitudo, vt iuri positivo præiudicium afferre queat, nisi sit rationabilis, & legitimè præscripta.

## SUMMARIUM.

1. Iurinaturali nullà consuetudine derogari potest.
2. Consuetudo alia est iuri constitutiva; alia abrogativa.
3. Iuri constitutiva requirit potestatem condendi legem; non item abrogatiua, que obtineri potest, ignorantie Principe legislatore.
4. Ad consuetudinem per modum legis statuendam, uniuersim loquendo, requiriatur, & sufficit tempus longum, scilicet decennium; ad abrogandam autem per consuetudinem legem ecclesiasticam requiruntur quadraginta anni.
5. Omni legi positiva per consuetudinem

- derogari potest, non item iuri constitutiva precepitio.
- 6. Debet autem ea consuetudo esse rationabilis; nulla enim consuetudines irrationalibus aduersus legem prevalere possunt.
- 7. Que sit consuetudo irrationalis?
- 8. Religiosi per consuetudinem obtinere non possunt facultatem liberè restandi incassibus, in quibus ex privilegio Papalis obtineri potest.
- 9. Consuetudo, ut sit abrogatoria legis, debet esse legitimè præscripta, hoc est, tanto tempore cum bona fide continuata, quantum iura ad legitimam præscriptionem requirunt.
- 10. Consuetudo ob errorem seu ignorantiam legis introducta negavit.

**N**O T A N D V M I. Temporis diuturnitas, & inueterata consuetudo peccatum non minuit, sed auget, ythic dicitur, & in c. cùm haberet s. prope finem, de eo qui duxit &c. & c. non satis s. de Simon. Videri etiam possunt, quæ dixi in c. cùm venerabilis s. hoc tit.

**N**O T A N D V M II. Lex positiva per contrariam consuetudinem, si rationabilis & præscripta sit, aboletur. Pro maiore huius rei intellectu, aduertendum; Quod consuetudo, intellige publicam, alia facti sit, & alia iuris, prout colligitur ex textu cap. 2. hoc tit. in 6. Consuetudo facti aliud non est, quām mos populi, seu actus in populo, aut malore parte populi, palam frequentatus. Consuetudo iuri non est aliud, quām ius moribus populi constitutum, vt dixi in rubr. huius tit. Quām obrem consuetudo facti est veluti via ad consuetudinem iurius constituendam, quia ex facto ius oritur. Ita colligitur ex c. 4. & 5. d. 1. & docui in Theol. morali lib. 1. tract. 4. c. vlt. n. 1. & videri potest Rochus super hoc c. in princ. n. 18. & seqq.

Vtterius, sicut lex scripta alia est iuri constitutiva, alia iuri abrogativa; Ita etiam consuetudo alia est, per quam ius nouum introducitur, siue constituitur; alia vero est iurius siue legis antecedentis abrogatoria. De hac sermo est in hoc c. De illa autem in cit. c. 5.

B b

d. 1.